



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

Leges Ecclesiasticae.

urn:nbn:de:hbz:466:1-15967

ANNO
CHRISTI
905.
vel 906.

LEGES ECCLESIASTICÆ

EDOARDI SENIORIS REGIS ANGLIÆ,

& Guthurni regis Danorum in Eastanglia, &c. ab Aluredo Magno & Guthurno regibus primum conditæ, & nunc denuo ab Edouardo filio eiusdem Aluredi & Guthurno foedus ineuntibus, Intingfordæ ut videatur, confirmatæ.

TITVL LI LEGVM ECCLESIASTICARVM.

- | | |
|--|--|
| I. De pace ecclesiæ. | VII. De iis qui die dominico sua negotia agunt. |
| II. De apostatis. | VIII. De ieiuniis. |
| III. De correctione ordinatorum, id est, sacris initiatorum. | IX. De irrejurando & ordalio. |
| IV. De incestu. | X. De membro truncato post tertium diem subueniendo. |
| V. De rei capitalis damnato confessorem desiderante. | XI. De sagis, ariolantibus, peierantibus, &c. |
| VI. De decimis & censu ecclesiæ detentis. | XII. De iis qui sacris initiantur, & de peregrinis. |

Proæmium.

Hæc ea sunt senatus consulta ac instituta, quæ primo Aluredus & Guthurnus reges, deinde Edouardus & Guthurnus reges, illis ipsis temporibus tulere, cum pacis foedus Daci & Angli ferierunt, ac se se mutuo amplexi sunt, quæque postea a sapientibus recitata sèpius, atque ad communem regni utilitatem aucta, atque amplificata sunt.

Ante omnia, Deum vnum spreto omni ac repudiato cultu barbaro, auguste sancteque venerandum proposuerunt; tum leges humanas (propterea quod pro explorato haberent nolle sine his quamplurimos aut in officio containeris suo, aut ecclesiasticæ morem gerere disciplinæ) conscribendas curarunt, easque Christo cum rege communies promulgarunt, his ut eorum coerceretur temeritas, qui episcopi imperata obire noluerint.

LEGES ECCLESIASTICÆ.

I.

Hoc igitur primo decreuerunt, ut ecclesiæ pax intra
Concil. Tom. 24.

Xxx

suos parietes, eaque, quæ est manu regis tradita, tranquilitas, pie, inuiolateque seruentur.

II.

Porro autem si quis Christianam fidem exuerit, adeoque dictis, aut factis cultum promouerit barbarum, capitales estimatione, mulctata, aut ipsa legis violatae poena, prout ipsa feret facti ratio, culpa pensator.

III.

Si quis sacris initiatus clepsiterit, dimicarit, peierarit, aut fornicatus fuerit, capitales estimatione, mulctata, aut legis violatae poena, pro ipsa delicti ratione compensato: Deo saltem, prout se regula habuerint ecclesiasticae, faciat satis, atque in custodiam, ni fideiussores admouerit, coniector. Sacerdos si in diebus festis, aut ieuniis populo indicendis errauerit, 30. solidis, si quidem id inter Anglos euenerit, mulctator: sin idem in Dacis acciderit, sequimarcam pendito. Sacerdos si ad dies in hoc condicatos oleum non parat sacrosanctum, aut baptisma, cum vsus fuerit, denegabit, inter Anglos mulctator, in Dacis autem legis violatae poenas luito, oras nimirum duodenas numerato. Si quis sacris initiatus capitale quidquam perpetrarit, capitor, ut tandem episcopo criminis admissi poenas dependat.

IV.

Præterea autem sapientibus visum est, vt qui feco se polluerint incestu, eorum qui fuerit superior rex habeat, inferiorem episcopus, ni citius cumulate Deo & hominibus compensarint, & quod fuerit eis ab episcopo indicatum, confecerint. Si duo fratres germani, aliive sanguinis necessitate iuncti cum vna eademque vxore rem habuerint, capitales estimatione, mulctata, aut legis violatae poena, prout æquum fuerit, ipsaque feret facti ratio, compensanto.

V.

Si quis rei capitalis damnatus, sua ingenua sacerdoti peccata confiteri cupuerit, id ei conceditor. Omnes autem studiose ac sedulo iura omnia diuina prouehunto, ita ut diuinam misericordiam consequantur, atque has a sapientibus irrogatas sontibus poenas declinent.

VI.

Dacus si decimas non dederit, legis violatae poenas soluto, Anglus mulctator: Dacus si debitum Romæ num-

mum retinuerit, legis violatæ pœnam subito, Anglus mulcta afficitor. Dacorum quisquam si ad candelas nummum non dederit, iuris violati pœnas luto, Anglus plectitor. Dacus si iustum nomine aratri eleemosynam non soluerit, ruptæ legis pœnam dependito, Anglo autem, si quid delinquitur, mulcta irrogator. Dacus si iura, aut officia quæcumque diuina suppresserit, aut retinuerit, legis violatæ pœnam dependito, Anglus mulctator. Si quis contumaciter obſistendo alium iura atque officia diuina petentem vulnerarit, capitale esto: Sin mortem obtulerit, ab omni legis patrocinio deſtitutus habetor, eumque omnes iustitiae cultores vel inuitum ac læſum capiunto. Atque si eum suapte culpa iuri diuino aut regio fe oppONENTEM morte occubuisse liquido confirmetur, propterea ne quidquam penditor.

VII.

Dacus si die dominico quidquam fuerit mercatus, re ipsa, & oris præterea duodecim mulctator, Anglus 30. ſolidos numerato. Liber si die quocumque festo operis quidquam fecerit, aut seruituti ſubiaceto, aut mulctam, legisque violatæ pœnam dependito: ſeruus vapulato, aut pre-
cio virgarum metum redimoto. Dacus ſi ſeruo ſuo inuito opus addixerit die quocumque festo, rupti iuris pœnam dato, Anglus mulcta afficitor.

VIII.

Liber ſi indictum iejunium cibo ſumpto diſſoluerit, & mulcta, & ipsa legis violatæ poena plectitor, ſeruus vapulato, aut pre-
cio redimoto.

IX.

Porro autem festis diebus omnibus, & legitimis ieuniis ordalium nullus ingreditor, neve ad iufiurandum addic-
tor. Dacorum ſi quis contra fecerit, legis violatæ pœnas dato, Anglus mulcta plectitor.

Nemo, quoad eius fieri poterit, cuiuscumque ſceleri-
ris admissi conſcius, die dominico morti obiector, ve-
rum comprehensus, vſque dum dies festus tranſierit, te-
netor.

X.

Si cui membrum corporis ſceleris admissi cauſa præci-
datur, ifque tres noctes ſuperstes fuerit, quisque deinceps

Concil. Tom. 24.

Xxxij

impune, impetrata tamen ab episcopo venia, aut eius vulneri medicinam, aut animo consolationem adhibeat.

XI.

Sagæ, ariolantes mulierculæ, periuriosæ, pestiferæ, & meretrices foedæ, ac flagitiosæ, sicubi deprehendantur, a finibus regni, ut pura & integra plebs sit, relegentur, aut in regno, ni ab illa mente desiterint, & accumulatius compensarint, male pereunto.

XII.

Si quis sacris initiatus, incolave, in iis quæ ad fortunas, vitamve eius spectarint, decipiatur, tum ei nationis illius rex, aut satrapes & episcopus loco cognatorum, & patroni funto, ni is aliunde habuerit. Fraudator vero, prout feret maleficii ratio, Deo & regi satisfacito, aut graues, qui est regionis illius princeps, sceleris admissi poenas repetito,

Desiderantur nonnulla.

CONCILIVM TROSLEIANVM
APVD TROSLEIVM IN PAGO SVESSONICO
ab Heriueo Rhemensi archiepiscopo, eiusque suffraganeis celebratum die vi. Kalendas Iulias, anno Christi
DCCCCIX. Sergii papæ III. anno II. Caroli Simplicis
regis XVII.

ANNO
CHRISTI
909.

TITVL I CAPITVLORVM.

- I. *De honore & cultu ecclesiistarum
Dei.*
- II. *De statu regni, & fidelitate regis.*
- III. *De regulari statu iam pene col-
lapso.*
- IV. *De sacrilegis, & eorum dam-
natione.*
- V. *De vexatione, & inhonoratio-
ne sacerdotum.*
- VI. *De dotibus & decimis ecclesia-
rum, & de censu pro eis non exi-
gendo.*
- VII. *De rapienis.*
- VIII. *De raptis, & occultis nu-
ptiis, & incestis.*
- IX. *De accessu, & frequentatione,
ac cohabitatione presbyterorum
& clericorum cum feminis.*
- X. *De fugiendo luxuriam.*
- XI. *De periuriis cohibendis.*
- XII. *De discordantibus, iracun-
dis, & litigiosis.*
- XIII. *De homicidis & mendaci-
bus.*
- XIV. *De non diripiendis ecclesia-
rebus defuncto episcopo.*
- XV. *Epilogus ad episcopos, & ge-
neraliter ad omnes.*